



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-34-24618-~~2~~123  
Sarajevo, 24.08.2023. godine

## SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

**PREDMET: *Odgovor na zastupničku inicijativu Marijele Hašimbegović, dostavlja se***

### ZASTUPNIČKA INICIJATIVA:

Zastupnica Marijela Hašimbegović je na osmoj radnoj sjednici Skupštine Kantona Sarajevo, održanoj 30.05.2023. godine, u okviru tačke Dnevnog reda: „Poslanička/zastupnička pitanja, inicijative i odgovori“, a u skladu s članovima 211. i 214. Poslovnika Skupštine Kantona Sarajevo („Službene novine Kantona Sarajevo“, broj: 41/12- Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22 Ispravka), uputila sljedeće zastupničku inicijativu:

„Upućujem inicijativu radi utvrđivanja zakonitosti i usklađenosti član 5. stav (4) Uredbe o postupku prijema u radni odnos u javnom sektoru na teritoriji Kantona Sarajevo sa Zakonom o radu FBiH.

### Obrazloženje:

Vlada Kantona Sarajevo je članom 5. stav (4) Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo" broj 19/21 i 10/22) propisala da se može bez provedenog postupka obaveznog javnog oglašavanja zasnovati radni odnos kod drugog poslodavca čiji je osnivač ili suosnivač Kanton Sarajevo ili u kojem Kanton Sarajevo učestvuje sa više od 50 % ukupnog kapitala.

Ovo je u suprotnosti sa članom 20a. st. (2) Zakona o radu Federacije Bosne i Hercegovine ("Sl. novine FBiH", broj 26/16, 89/18, 23/20, 49/21 i 44/22. što znači da je član 5. Uredbe protivzakonit, a Uredba se primjenjuje od 11.05.2021. godine. Primjer zapošljavanja u Javnom sektoru na osnovu ove Odluke je i Institut za preduniverzitetsko obrazovanje Kantona Sarajevo u kojem je u maju 2022. godine bez javnog oglašavanja zaposleno 20 službenika, kao da se radi privatnoj firmi, a drugim zaposlenicima u organima Kantona Sarajevo koji također ispunjavaju sve formalne uslove za ova radna mjesta, uopće se nije dala mogućnost konkurisanja za zapošljavanje, nit su bili upoznati da se vrši prijem u Institut“

### ODGOVOR

Nadležnost Ministarstva za odgoj i obrazovanje Kantona Sarajevo propisana je u članu 7. Zakona o



ministarstvima i drugim organima uprave Kantona Sarajevo („Službene novine Kantona Sarajevo”, broj: 40/22) kako slijedi:

„Ministarstvo za odgoj i obrazovanje vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih.”

Shodno citiranoj odredbi i utvrđenim nadležnostima, ovo ministarstvo nije bilo o nosilac aktivnosti izrade Uredbe o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo”, br. 19/21 i 10/22). Prema informacijama kojem raspolaže ovo Ministarstvo nosilac izrade predmetne Uredbe bilo je Ministarstvo za rad, socijalnu politiku, raseljena lica i izbjeglice Kantona Sarajevo shodno nadležnostima utvrđenim u članu 11. Zakona o ministarstvima i drugim organima uprave Kantona Sarajevo („Službene novine Kantona Sarajevo”, broj: 40/22).

Napominjemo da se zapošljavanje radnika Javne ustanove Institut za razvoj preduniverzitetskog obrazovanja Kantona Sarajevo vrši u skladu sa Uredbom o postupku prijema u radni odnos u javnom sektoru na teritoriji Kantona Sarajevo („Službene novine Kantona Sarajevo”, broj 19/21 i 10/22), kao i drugim propisima koji regulišu ovu oblast te da je navedena ustanova u potpunosti postupala u skladu sa navedenim propisima. Koristimo se prilikom informisati Vas da je Institut za razvoj preduniverzitetskog obrazovanja Kantona Sarajevo osnovan i registrovan kao javna ustanova te da radnici navedene ustanove nemaju status državnog službenika kako navodite u vašoj inicijativi jer se odredbama navedene uredbe uređuje postupak prijema u radni odnos na određeno i neodređeno vrijeme na teritoriji Kantona Sarajevo u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji kantona, grada ili općine, u javnim ustanovama i javnim preduzećima čiji su osnivači kanton, grad ili općina, te u privrednim društvima u kojima kanton, grad ili općina učestvuju sa više od 50% ukupnog kapitala. Dakle, institucije na koje se primjenjuje Uredba nemaju status organa državne službe i radnici navedenih institucija shodno navedenom nemaju status državnih službenika.

Imajući u vidu navedeno sugerišemo da se inicijativom obratite Ministarstvu za rad, socijalnu politiku, raseljena lica i izbjeglice Kantona Sarajevo, kao nosiocu pripreme navedene uredbe iako smo uvjereni da je navedeno ministarstvo u postupku pripreme osiguralo pozitivna mišljenja u smislu usklađenosti Uredbe sa ustavom i drugim pozitivno-pravnim propisima koji uređuju navedenu oblast.

S poštovanjem,



ICA

*Naida Hota-Muminović*

**Dostaviti:**

- naslovu;
- u Spis;
- a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)